

**D<sup>a</sup>. OLGA ALONSO SUÁREZ, CONCELLEIRA-SECRETARIA DA XUNTA DE GOBERNO LOCAL DO CONCELLO DE VIGO**

**C E R T I F I C O:** Que a Xunta de Goberno Local, na sesión ordinaria do **19 de febreiro de 2016**, adoptou o seguinte acordo:

**4.- ADXUDICACIÓN DA CONTRATACIÓN DO SERVIZO CORPORATIVO DE IMPRESIÓN. EXPTE. 7075/113.**

Visto o informe de fiscalización do 12.02.16, dáse conta do informe-proposta de data 11.02.16, asinado pola xefa do Servizo de Contratación, que di o seguinte:

A mesa de contratación do Concello de Vigo, na súa sesión de data 27 de xaneiro de 2016, realizou entre outras, as seguintes actuacións:

4.- Propostas de adxudicación.

- a) Procedemento aberto para a contratación do servizo corporativo de impresión (expediente 7075-113)

LEXISLACIÓN APLICABLE

- Real Decreto Lexislativo 3/2011, de 14 de novembro, polo que se aproba o texto refundido da Lei de Contratos do Sector Público (TRLCSP).
- Real Decreto 817/2009, de 8 de maio, polo que se desenvolve parcialmente a Lei 30/2007, de 30 de outubro, de Contratos do Sector Público (RLCSP).
- Real Decreto 1098/2001, de 12 de outubro, polo que se aproba o Regulamento Xeral da Lei de Contratos das Administracións Públicas (RLCAP), no que no se opoña ó Real Decreto Lexislativo 3/2011.
- Prego de cláusulas administrativas particulares que rexe o procedemento aberto para a contratación do servizo corporativo de impresión Exped (7075-113.)

ANTECEDENTES

Primeiro.- A Xunta de Goberno Local celebrada o 12 de novembro de 2015, adoptou o seguinte acordo:

*“Primeiro: Dar conta a Xunta de Goberno da exclusións acordadas pola Mesa de contratación dos licitadores seguintes:*

- *Na sesión da Mesa de 20-01-2015 de Carlingal, S.L. xa que non considera declarada a solvencia técnica pois non declara ter executados contratos similares ao obxecto do contrato nos tres últimos anos por un importe igual ou superior ao tipo de licitación.*
- *Na sesión da Mesa de 10-02-2015 das empresas Canon España, S.A., Informática el Corte Inglés, S.A. (IECI) e NEA F3 Ibérica, S.L.U pois inclúen no sobre B información que permite coñecer os valores ofertados en criterios de adxudicación avaliados mediante fórmula.*

*Na sesión da Mesa de 16-10-2015:*

- *INFORHOUSE S.L. e Xerox España S.A. por que a súa oferta non cumpre os requirimentos mínimos recollidos no prego de condicións técnicas con respecto os dispositivos de impresión Tipo 6 con respecto a compatibilidade de este modelo co protocolo T.38 para envío e recepción de faxes.*

- *SPETEL GALICIA S.L. porque non cumpre os requirimentos mínimos recollidos no prego de condicións técnicas con respecto os dispositivos de impresión Tipo 6 por canto a documentación presentada non se corresponde co modelo ofertado por SPETEL GALICIA S.L.*

Segundo.- Clasificar, de acordo cos criterios de adxudicación sinalados no prego, as proposicións admitidas no “Procedemento aberto para a contratación do servizo corporativo de impresión Exped (7075-113).” no seguinte orde decrecente:

1.- *Documentación e Imagen del Noroeste, S.L. 94,75 puntos.*

Terceiro.- *Requirir ao licitador clasificado en primeiro lugar, Documentación e Imagen del Noroeste, S.L., para que presente, no prazo de dez días hábiles, a contar desde o seguinte a aquel en que recibise o requirimento, a seguinte documentación (artigo 151.2 TRLCSP):*

- *Declaración responsable de non estar incurso en prohibición de contratar.*
- *Certificacións de acharse ao corrente das súas obrigacións tributarias co Estado, Xunta de Galicia e coa Seguridade Social.*
- *A documentación esixida na cláusula 8 e 21 do prego de cláusulas administrativas particulares.*
- *Resgardo da garantía definitiva esixible de acordo co disposto na cláusula 22 do prego de cláusulas administrativas particulares.*

Cuarto.- *Requirir ao citado licitador o aboamento de 1385,01 euros en concepto de custe dos anuncios de licitación”.*

Segundo.- Este acordo foi notificado ó licitador clasificado en primeiro lugar, *Documentación e Imagen del Noroeste, S.L.*, o día 13 de novembro de 2015, que presenta a documentación requirida en data 23 de novembro de 2015o, dentro do prazo sinalado.

Terceiro.- Tra-la desestimación dos recursos presentados ante o Tribunal Administrativo Central de Recursos Contractuais e o conseqüente levantamento da suspensión da tramitación do expediente a Mesa de contratación de data 27 de xaneiro de 2016 revisou a documentación presentada e esta é conforme polo que se acorda, por unanimidade dos membros presentes, propoñer ó órgano de contratación a adxudicación do presente procedemento.

## FUNDAMENTOS XURÍDICOS

Primeiro.- A nosa lexislación contractual impón ó órgano de contratación a obriga de adxudicar o contrato dentro dos cinco días hábiles seguintes á recepción da documentación. O acordo de adxudicación deberá ser motivado, notificarase ós licitadores e, simultaneamente, publicarase no perfil de contratante (artigo 151.4 TRLCSP).

Recibida tanto a documentación presentada polo licitador clasificado en primer lugar como a solicitada de oficio pola administración municipal, e comprobado que esta é correcta, procede adxudicar o presente contrato.

Segundo.- A competencia para formular a proposta de adxudicación ao órgano de contratación correspóndelle á Mesa de contratación. A proposta se realizará a favor do licitador que presente a proposición que contivese a oferta economicamente máis vantaxosa de conformidade co prego de cláusulas administrativas particulares que rexe a licitación (artigo 22.1.g RLCSP).

A primeira oferta economicamente máis vantaxosa para a administración contratante é a formulada por *Documentación e Imagen del Noroeste, S.L.*

Terceiro.- A competencia para a resolución do presente expediente correspóndelle á Xunta de Goberno Local (apartado 3 da disposición adicional segunda do TRLCSP), na súa calidade de órgano de contratación.

En mérito ó que antecede, se propón á Xunta de Goberno Local como órgano de contratación, en uso das facultades que lle confire a lexislación vixente, a adopción do seguinte acordo:

*“Adxudicar a DOCUMENTACIÓN E IMAGEN DEL NOROESTE, S.L., o procedemento aberto para a contratación do servizo corporativo de impresión (expediente 7075-113) coas seguintes condicións:*

- O prezo de aluguer mensual dos dispositivos de impresión do contrato é de 3.540 euros (sen IVE) sendo a cota do IVE de 743,40 euros.*
- O prezo das copias en branco e negro é de 0,0059 euros sen IVE.*
- O prezo das copias en color é de 0,039 euros sen IVE.*
- Aboará 3000 euros pola recompra do parque de impresoras municipais relacionado no Anexo III do PCAP.*
- O hardware das impresoras terá as características que se especifican na seguinte táboa:*

2.1 Velocidade de impresión

|        |     |
|--------|-----|
| Tipo 1 | 43  |
| Tipo 2 | 35  |
| Tipo 3 | 43  |
| Tipo 4 | 40  |
| Tipo 5 | 30  |
| Tipo 6 | 135 |

2.2 Memoria

|        |      |
|--------|------|
| Tipo 1 | 512  |
| Tipo 2 | 384  |
| Tipo 3 | 1024 |
| Tipo 4 | 1024 |
| Tipo 5 | 1024 |
| Tipo 6 | 2048 |

2.3 Capacidade carga de papel dos equipos

|        |      |
|--------|------|
| Tipo 1 | 620  |
| Tipo 2 | 600  |
| Tipo 3 | 620  |
| Tipo 4 | 2180 |
| Tipo 5 | 2180 |
| Tipo 6 | 3300 |

2.4.- Finalizadores

|        |    |
|--------|----|
| Tipo 1 | 67 |
| Tipo 2 | 20 |
| Tipo 3 | 21 |
| Tipo 4 | 21 |
| Tipo 5 | 19 |
| Tipo 6 | 1  |

|                                                 |      |
|-------------------------------------------------|------|
| 2.5 Velocidade de resposta á primeira impresión |      |
| Tipo 1                                          | 0,14 |
| Tipo 2                                          | 0,1  |
| Tipo 3                                          | 0,17 |
| Tipo 4                                          | 0,18 |
| Tipo 5                                          | 0,14 |
| Tipo 6                                          | 0,23 |

- *Os prezos anuais dos equipos que se soliciten a maiores durante a duración do contrato serán os reflectidos na seguinte táboa:*

|        |         |
|--------|---------|
| Tipo 1 | 43,48   |
| Tipo 2 | 105,43  |
| Tipo 3 | 206,51  |
| Tipo 4 | 489,10  |
| Tipo 5 | 630,40  |
| Tipo 6 | 4332,36 |

*Todo iso de acordo cos pregos de prescricións técnicas e de cláusulas administrativas particulares aprobados por acordo da Xunta de Goberno e a oferta presentada.”*

### **Acordo**

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo a dezanove de febreiro do ano dous mil dezaseis.

CCA/me

V. e Pr.  
O ALCALDE,

Abel Caballero Alvarez.